

And vnd Stet gelegen gegē
 vffgang vñ mittag die wircklicheit des Comete be
 finden werden / auch vil vß den mitternechtlichen
 seiner halber nit wenig leidē Darüß bewaren sich
 die nachgeschriben Kunigreich furstentüß Land
 vñ Stedt / Als Turckey / Welschlandt / Apulia /
 Alexdria / Lombardei Beheimer land / Osterreich
 erzlich Set an der Thonaw / Rom Rauen / Cremona / Mantua
 Perus / Krychisch landt / Affrica / Persia Gallilea Hispania /
 Des größt teil Candia Cipria / Das reich Nouaria zwischen Hy
 spania vnd Franckenreich Slesien / Hessen Meyssen Sachsen /
 Francken Beyern Schwoben Venedig Heydelberg Nurnbergk
 Erfurt Franckfort Salzburg / Vñ die wircklicheit diß Comete
 viln enden verzogē wirt in das ander nochkomend iare / vñ inn
 vilen hynaus noch vil iaren / Doch ist zu besorgen bey vns ym
 Sybenden Clima / das erzlich vß seinen wircklichen / nemlich
 Sterben Schedlich wind / groß dürre vnd hutz vil Stet vmbges
 ben werden ynwenig kurzen tagen oder zeyten / Diese ding mß
 gen gewant werden vñ ee oder langsamer kōmē / oder geringert
 vñ gemilert durch die barmhertzigkeit gottes / welich alle men
 schen wil selig werden.

Beschluß.

Durchleuchtigster Hochgeborner furste Genedig
 ster herze also sein volendet dysē
 ding / die ich vß der lere der weysen in naturlichen kunsten erfahren
 vnd vßgezogen hab / welch ich bit genedigklich anzunemen vñ zūm
 besten vßlegen. Auch bit ich alle liephaber der kunst: vñ sunderlich
 der Astronomey / so sie ichts onkunstlichs / irrig oder onformlichs
 in meinen schriften befinden / das selbig nit zū sch enden / sunder zū
 gutez annemen bessern vnd verstantlicher vßlegen / Wan ich durch
 diese mein schrift hab vrsach wollen geben andern gelertern weiter
 vñ clerlicher von diessem Cometen zu schreiben / Es ist auch nit al
 lein danck zu sagen denen die wol / sunder auch den so übel geschry
 ben han / wan sie haben dar durch geubt vñ bewegt vnser verstant
 nis solich übel schrift zū bessern vñ clerlich zu ergrunden.